

皇明經世文編

皇明經世文編卷之三百六十八

華亭

徐孚遠闇公 宋徵璧上木

選輯

陳子龍臥子 吳培昌坦公

吳祖錫佩遠叅閱

霍勉齋集

議

霍與瑕

平廣東倭寇議

平倭

暇聞古者邦有大事自公卿大夫庶僚庶尹下及國之耆民咸得進于王庭各話其意然後採衆謀所同

者行之、故慮無遺策、而舉無債事、古之道也、方今倭夷橫發、東南破殘、濟濟群僚、靡經憂念、竊以爲此非痛養相關之義、報廣州之庸也、寇及惠潮、實爲父母之邦、是用忘其庸陋、上議數款、以備採擇。一近聞報見廣東以倭寇殘破惠州府地方、止參通判一員、此飾誣以塞責者也、巡撫提督兵將、親臨惠州、不能靖寇、時則分巡兵備道海道叅將等官、俱在委任、豈所用者止通判一人耶、今皆互相容隱、委罪卑官、刑賞如此、何以使下、此須駁勘、要見倭寇所殘地方、委

係何人守禦、通判當時領兵多少、駐劄何處、兵備領  
兵多少、駐劄何處、叅將等官領兵多少、駐劄何處、地  
方有事、各官如何不見保障、通判失事、各官如何不  
見揀應、若各官領兵坐視通判不揀、則各官何心者  
也。若各官束手、盡付合省之兵與一通判、則各官何  
爲者也。且通判小官也、如不堪用、當先時處治。如有  
誤事、當臨時處決。此有不待叅奏者。今止叅通判而  
各官無事、又何爲者也。合將分巡兵備叅將等官、重  
者革職、輕者住俸、各戴罪殺賊、以勉後功。庶幾法有

必行之信、人懷嚴憚之心、士革苟且之謀、事有慎圖之望、同心一力、寇可弭而民可保也。一廣東巡撫以倭寇爲梗、奏調客兵、揀應此支吾之策也。前年淮浙被兵、曾調廣州兵、揀之、謂其強可使也。則今日惠潮被寇、空廣兵足用矣。乃有不支之患、而紛紛於客兵之望、計客兵調發、當在踰時之後、民其糜矣。廣兵自足應敵、但上之人、不思所以用之之術、是以知者莫肯謀、勇者莫肯奮耳。且海濱之民、疲弊甚矣。官司之所困、征役之所窮、富豪之所侵、債負之所折、怨入

骨髓有思亂之心久矣。今強寇在境，不亟捕滅，勢當  
內外連結，蔓延滋大。事可深憂。瑕以爲客兵遠難致，  
且路遠而費必多。今以餉客兵之財，而爲募土兵之

值，無不給者。土兵盡收，所以寡敵之黨。土兵甚近，所

故多之。所以散敵之黨。

以急民之救，此計之得者也。瑕又聞之，于兵易得一

將難求，欲得土兵，須任土將。蓋官司之所召募，多市  
井龜縮之氓。土將之所收羅，乃江湖鷙烈之士。彼其

考其平素，觀其技藝，試其膽略，簡其材良，汰其憊劣。  
足其廩，賄結其歡喜。故爪牙精悍，見敵而爭先也。今

之爲將者。武職皆世胄竊祿之徒。文職亦捕盜文墨之輩。遠民不親而選兵失實。與吏爲政而給值不敷。故游惰受賤值以應募。每臨事而多僨也。然則將之得失。其明效爲可知矣。欲求本土良將。必有大度大識大恩大信。出於尋常之外。則將材至矣。一天下豪傑。其生也無涯。其伏也無限。或在艸萊之間。或在卒伍之列。或在卑官胥吏之內。或在魚翁釣叟之中。碩器長材。無地不種。顧搜羅任用之何如耳。昔宋有中葉之難。宗澤出於簿尉。世忠起於兵卒。岳飛奮於

行伍皆能將十萬以振皇靈。今天下豈少此輩哉。而方面大臣未嘗虛已禮下。彼無以自知。固安肯盡其心。無以自效。亦安能盡其力。志士扼腕。勇夫解體。職此由也。昔韓信獲李左車。因其一言之善耳。乃北面師事之。劉備之於關張。忘形結交。以共濟大業。英雄下士。大抵皆然。近翁萬達在邊。親執驍卒之手。與之細論心曲。登堂拜偏禪之母。其過人之度如此。故所建立。一時稱良焉。竊見廣東順德番禺香山新會。多有總甲。或土豪。或艚船之長。年三老。勇略超群。屢經



戰陣數年以來。海之獲巨盜者。每出此輩。而巡撫分  
巡等官。全不加重。惟奴隸視之。有功。不過行縣花紅。

其如之待甘寧

犒賞而已。此袁術待趙雲之故智。以為賤卒。不可與

為禮也。瑕以為仁義之心。無貴無賤。人之戴息。甚於

戴賞。吾苟以非常之禮下之。虛心以詢訪之。推誠以

委順之。有勞又特本保奏之。虛不次之位以待之。則

彼感泣鼓舞之下。孰肯隱心惜力。以孤知遇之息。此

所謂土將者也。一廣東倭寇橫行。而士不用命者。

抑何故歟。卑尊之勢隔。而上下之情攜。授任之統乘。

而賞罰之信缺也。竊以爲宜在朝中選本省之位尊望重素諳民情土俗者領勅前往協贊軍務有本土豪傑得以竟自委任受任有勞得以竟自保薦軍餉錢糧犒賞得以竟自支給其叅將分巡兵備海道等官一如巡按事體得以保舉彈劾嚴勅而重責之以鄉之士夫糾鄉之智勇爲鄉之父兄率鄉之子弟拔鄉之急難公私兩便上下一心必濟之策也昔陳豨反代漢高帝急封趙將四人曰吾以慰趙子弟宋智高反狄青征之與事之賢實曲江之余靖蓋其凡也



上潘大巡廣州事宜

廣州利弊

一近日閩浙有倭寇之擾。海防峻密。凡番夷市易。皆趨廣州。番舡到岸。非經抽分。不得發賣。而抽分經撫巡海道行移委官。動踰兩月。番人若必俟抽分。乃得易貨。則餓死久矣。故令嚴則激變之禍生。令寬則接濟之奸長。近來多失之寬。恐侮敵玩寇。閩浙之禍。將中於廣州也。廣東隔海。不五里而近。鄉名游魚洲。其民專駕多櫓船隻。接濟番貨。每番船一到。則通同濠畔街外省富商。搬磁器絲綿私錢火藥違禁等物。滿

載而去。滿載而還。追星趁月。習以爲常。官兵無敢誰  
何。比抽分官到。則番舶中之貨無幾矣。番夷市易將  
畢。每於沿海大掠童男童女而去。游魚洲人時亦拐  
略人口賣之。多得厚利。以此年久。蔑深恐奸人嗜利  
無已。或誘爲強橫。而教猱以肆其奸。或投爲爪牙。而  
假虎以煽其焰。則廣州之民塗炭矣。爲今之計。莫切  
於豫之一言。大約番舶每歲乘南風而來。七八月到  
澳。此其常也。當道誠能於五月間。先委定廣州廉能  
官員。遇夷船一到。卽刻赴澳抽分。不許時刻違限。務

使番舶到港。不俟申覆都臺。而抽分之官已定。番貨在船。未及交通私販。而抽分之事已完。所謂迅雷不及掩耳。此當預者一也。於六月間。先責令廣州府出告示。召告給澳票商人。一一先行給與。候抽分官下澳。各商親身同往。毋得留難。以設該房賄寀。此當預者二也。抽分早則利多入官。澳票先則人皆官貨。私通接濟之弊。不禁而自止矣。上益國課。下芟民奸。默錫蒼生之福。潛消未形之禍。莫切於此。其廣東沿海備倭兵將。原有可恃者。以東莞香山多走海南。及生

鹽艚船輪差守禦舟巨而士勇習於風濤戰鬥之險  
無有畏敵之心也聞近日上司不知存恤誅求厚而  
征調煩商人多告去者夫商人利微而害大則不愿  
走洋海之貨不愿走海則不作大艚不作大艚則上  
無以應備倭之差下無以養敢死之士敢死之士無  
所於依勢將他圖此所謂棄干城而籍寇兵者也大  
易有之惟能容民卽所以畜衆今能恤海商卽所以  
固海防也所當預者三也一香山順德地面多有  
海中沙田其已成田者陞科報稅各收戶籍矣其未

報稅者必其未成田無花利者也聽民自候成業自陞稅畝可也近日軍門有行逐一丈量責令納價承稅各縣奉行乘機害民每將水深丈餘沙坦一併丈量措取民錢前任順德知縣設爲巧案先在上司面稟稱本縣民刁不伏丈量以致聽信責成所到之處每多量白水十數頃每頃該納價銀三十兩計十頃該三百兩乃徐措取銀百十兩爲之減去白水頃數終年累歲只將丈量頃數私賣竟少回報上司上司比併又稱百姓刁頑而已查得大明會典內一款凡

深山大谷新開田土俱與開豁稅糧此實祖宗厚  
下之深仁而近歲刑部刊刻問刑條例亦申明聽民  
儘力開耕永不陞科之令可以開耕者尚不陞科况  
茫茫白水可責民陞科乎深山大谷有稅糧者尚爲  
開豁况廣川大澤無花利者可責之納稅納價乎况  
令未必行徒爲奸貪設網民之寗乎切謂此弊須明  
示痛革不然則各縣借上司明文誘民詰告時時丈  
量爲良民害無窮已也一廣州之南水縣也舟楫  
者民所自便也十年前順德偶有兵旅調發責令大



戶取船接送，遂爲定例。前任陳知縣恣其狼狽，因小有上司征調，挨門報點大戶，每名要船一隻，得銀二三十兩，乃免。如銀不入，旣備船一隻，又令備大銃二函，鎗數十根，刀數十把，人夫十名，不特點闌，或責器械不整，或責人夫不到，多般尋害，計其出船雇夫置造家火，不下四五十兩，而且有官威之害，所以不得不入銀也。切以爲此弊，亦當明示痛革。自來軍兵調遣，俱有在官哨船，或額編渡船，若平時責令區處明白，則有事決不敢紛紛擾民倚法爲劑也。一廣州

之南水縣也齊民之奔走官司之出入使客之送迎皆舟楫是賴凡上司隨從及差人往復多擄船隻近因擄船艱辛乃於徭差內編擄船大戶徭差榜內該銀十餘兩而役主顧人應當每年用銀一百二十兩非此莫足辦也先文敏公在朝與戴侍御言廣東編水夫頭之害乃定制水夫隨糧帶徵民受其休三十年矣今水夫銀兩但當嚴責各縣依期催併則百姓永永受賜切謂擄船大戶之編是暗加一水夫役也求世多制惟台慈念之

與胡都御史青厓公

兵事

勉三文敏公子也初登第時嚴介溪以其才欲網羅

古者以中國攻中國技同術類謀有所不加力有所

之欲授京職勉志終不肯謁介溪介溪嘆之乃授外

不施長鎗勁弩有所不得發相阨於不能寸尺進步

職後任至無司不甚得志解組備

之場然後出奇以制其變此所謂危事也今夷狄浪

戰之渠耳非若五胡劉石之擾遼金割據之勢大抵

類漢初匈奴其長技十不及中國一二不過伴馬短

弓撼陣擄掠而已愚以為制勝之略固不可以易言

要亦不可以難視也傳曰愚者千慮必有一得僅陳

昨面談數款，冒瀆尊聽。一國家制禦胡虜，全用銃砲，自永樂以來，定制每歲無事，亦造火藥，今神機營是也。日久法壞，有費無實。庚戌古北口之倣，仇咸寧取火藥，本營以煤炭夾雜應之。幾致誤事。甘肅不知。近年官軍該用硝黃若干，銃砲若干，第得銃千函，銃子數千枚，則一發可以殺數千騎。最中國之長技也。一庚戌年，京師出武庫兵器，瑕從觀焉。銃有徑五寸者，長七八尺者，有一函而六七竅，如蓮窠者，有四五竅如掌如雞冠花者，真利器也。一古云步不勝騎。

騎不勝車，車者禦胡馬之長技也。古兵車之制，在周官者詳矣。或以爲世遠事迂，姑以手車言之。庚戌秋，武庫出兵車，如今小車之制，上立兩木牌，每牌濶一尺六七寸，高四尺，牌面畫獅虎頭，使馬畏不敢突也。下拖鐵裙，障兵足也。每牌中開一孔，發銃砲也。大約每車可蔽十人，二人司車，二人司銃，二人司弓矢，二人司長鎗，二人司劍盾。行則爲陣，止則爲營。千軍萬卒，雖數萬騎，無能爲也。然車遲騎疾，故致人之術，輕車突騎之用，又不可以不講焉。一書曰：捷以記之。

侯以明之。此古人寓武事於文教之中，所以長守安

也。自學校田獵武功官府罰罪，無不貴射。至於祀天

格廟，皆以射中者預事，何其嚴也。先子曰：「弓矢斯張

舊文敘公也

于戈，戚揚。周之始基也。決拾既飲，弓矢既調。周中興

也。載戢干戈，載櫜弓矢，其周微之階乎。唐有爲藩鎮

終帥幸抱真也

者，專以射從政。徭役能射則輕之，小罪能射則原之。

凡百皆然，不周年得精兵二萬，斯暗合古人之意矣。

竊以爲甘肅邊鎮，此法最宜舉行。就在督府倡之，凡

僚屬飲宴，以射從事，稍效古射禮文飾之，施之屬邑。

盡然屬官或有私燕每廉而問曰昨日飲以射罰乎孰勝孰負乎加殷勤而屢省之其官職應奏保者射中乃保應叅提者射中免究吏胥同撥年均者射中先撥應問革者射中存留皂卒有犯應答者予十箭中一箭者免一板罪罰不應者予十箭以中八箭者全免四箭者減半先詳爲令布之境内行之如金石信之如四時不出半歲決有可觀一軍中教演有大明會典定制在人舉行何如耳每百戶領軍六十名分三總旗如每總旗名下軍二十名十名射中者

平過三二中者不及不及則笞總旗六十名內三名射中者平過一二十名中者不及不及則笞百戶一月則笞二月則罰三月則停俸如千戶指揮所管百戶受賞多者同賞受罰多者同罰其他教習刀劍矛盾者盡然一初立賞格不可太重重恐難繼凡射中賞者止於酒餼兼以好言激勵之自然鼓舞其軍職稍尊重者自爲酌飲之自然鼓舞古云民可近不可下岳武穆凡將行軍必召將佐列坐歡飲人人盡所欲言衆議既定卽行之不疑故舉無遺策蓋將



軍與士親也。王陽明在贛州，將行軍，必以牲酒親赴關王廟，躬拜神畢，親酌將官而遣之。凡兵卒走遁文書，每召至膝前，細詢慰之。或以所飲酒賜之。其平易近人如此。一古云未嘗借材於異代，瑕今亦云，不必借材於異方，如前年淮浙倭寇，調兩廣兵以揀之。今寇至惠潮，則廣兵自衛矣。乃又奏請別調客兵。此瑕所深疑者也。廣兵自可用，但上下之情，携卑尊之勢，隔賞罰之信，缺授任之統，乖是以志士扼腕，勇夫解體。今乃不思其所以，而客兵焉是望。計奏請調

發當在半歲之外、民其糜矣、今有失火者、或教之取  
抔水於十里之外、則愚夫知其爲笑談、何者、緩不逮  
於事也、昨蒙教西事、高明已炳其然矣、甘肅兵力、非  
瑕所知、然天地生材、豈有疆界、况邊城朔野、其風曠  
悍、英雄鷲烈之士、空多有之、與胡狎處、諒亦不深畏  
戰鬥之害、誠能招而集之、循而撫之、聯而絡之、掖而  
振之、獎而率之、簡而稽之、覆而習之、胡虜不足平也、  
瑕觀宋南渡之初、孱弱甚矣、而宗澤起於簿尉、世忠  
奮於軍卒、武穆發於行伍、皆能秉鉞分麾、將十萬而

虎視中原，由此言之，英雄之生，誠不可限，在識拔委用，何如耳。瑕謂宜時時以此意待士，時時以此言勵衆，開之以誠，接之以禮，受之以虛，容之以量，試之以事，定之以功，則彼之有抱負者，豈肯隱心惜力，以孤知遇之厚哉。書曰：能自得師者王，謂人莫已若者亡。老子曰：善用人者下之，此至言也。惟我公之留意焉。

翁可馬萬達也

昔翁東涯在北開府，延賓登堂，拜游叅之，毋入幕之，英常有數十，自募精悍死綏之士，在麾下者五六百人，故所建立一時稱良焉。東涯丁內艱，瑕謁於京師。

適有麾下卒以武舉生至。公下階挽之升堂執手叙  
談。慰款良久。瑕後數日與武舉者論邊事。及與射於  
郊。亦平平耳。而翁禮貌之如此。趙大洲云。翁老善用  
人。凡此類也。一瑕聞玄山云。鮑兩廣善任人。開誠  
相與。凡有事委付二司。卽云此事專托公矣。勉之第  
竭心盡力。勿患予有二三之見。肝曳之弊也。一時授  
任者皆得自效。惜在廣不久云。一召募之法。王陽  
明在贛州設格。以強盜殺人爲上。盜竊次之。屠酷賭  
博爲下。分三等厚薄廩之。教武藝而勤試之。三月後。

此卽賈朝歌三科募士之法也

又爲之品第優劣而進退之。故兵精而事舉。瑕聞之。父師如此云。岳武穆召募有善走者。以日走三百里爲上。二百里次之。不及者不入格。有善負者。以三百斤爲上。二百斤次之。不及者不入格。有善挽弓者。以十五力爲上。十二力者次之。不及者不入格。大略如此。瑕不能識其詳。要之武穆之法。所謂貴精不貴多者。故能以八百破十萬。蓋所聚皆豪駿也。麾下親軍誠不可少此等輩哉。一盤庚王者也。遷都之時。進士大夫於廷。下及國之耆老。皆與面話利害。其休戚

一體如此。古之道也。後世有官守者。自視太尊。視民太卑。鄉士夫且隔絕之。惟與吏皂共事。百姓則魚肉之耳。無怪乎事之不立也。王陽明在吉安。聞宸濠之變。起兵討逆。與知府等職領衆趨南昌。留佐貳守城。恐不足以一衆志也。迺敦請在城鄉宦老成者數輩。入府衙居住。有事會議施行。此安衆之雄略。哲人之遠謀也。甘肅士夫家居有行訟者若干人。富豪可以糾率鄉里者若干人。無事時皆空物色而潛識之。或文以鄉射之禮。請相見而振翼之一。旦有急。皆獲其

陽明先生本集中載此篇

用者也。一西戎與北狄風土稍異。西方耕獵並作。部落土著。非若北之逐水草而專畜牧也。今北虜西侵。諸部震懼。所謂胡越同舟。正吾可以有爲之秋。誠能隨方處便。恤患拯災。予之以恩。結之以信。則內外同心。華夷僇力。保安之道也。因以其暇。修保伍稼穡之功。使流離復業。游蕩歸農。又久安之道也。貧可使富。弱可使強。此克國所以制先零之敵。而振金城之旅也。豈今人不古若哉。患實心實力。有未加焉耳。

皇明經世文編卷之終

皇明經世文編卷之三百六十九

華亭 徐孚遠關公 宋徵璧尚木

選輯

陳子龍臥子 吳培昌坦公

吳祖錫佩遠叅閱

霍勉齋集

書

霍與瑕

上代巡陳青田

廣州事宜

二十年來東南多故當宁仄席元老運籌羣力畢宣  
衆策備舉太平指日可待誠無俟於不在位者爲之



杞憂但集思廣益、在上者每開其誠、則陳善納忠、在下者宜申其悃、蓋愚讀商書而知古昔先王之盡人也、一舉大事、自公卿以至士庶耆耆、咸造于庭、各話其意、夫是以上下之情通、而舉無失誼、先王所以功被世遠、而德洽民深者、用此道也、詩不云乎、采芣采芣、無以下體、又云、民雖靡盬、或哲或謀、愚誠不敢以哲謀自處、乃不敢不以菲芣不遺者望當世君子、陳其踈謬以資採擇、一元戎統衆十萬、未有不斬殺而能整旅者、書曰、威克厥愛、允濟、予則孥僇汝、此三

代軍政也。徐達北征，胡德濟總偏師，師失利，達械德濟送京師，仍斬副將以下數十人。時德濟爵侯伯矣。副將以下皆指揮千戶等官也。械繫侯伯，斬僂高官，威令如霆，其何敵不赴。今之總兵叅將，權輕而威蕩，號令不明，紀律不肅，進無尺寸之功，退無鈇鉞之加。巨寇潛逝，乃獵民斷首以報級，上下相循，姑息從事，愚不知其可也。一嘉靖九年，廣州許折桂作亂，巡按劾失事官員，以海道兵巡爲首，拏解京師，當是之時，猶有振飭之風焉。今地方盜賊之事，民壯弓兵之

額軍職管哨之權。無一不攬于兵巡之手。任可謂專責可謂重。謀猷可以展。膂力可以宣。乃寇盜日滋。民生日瘁。事勢日急。綱紀日隳。流賊所至。合村勦絕。若罔聞知。至失事大不得已。則以巡捕及指揮等官委罪塞責。習弊苟安。一至於此。豈非任世道者之憂哉。廣東雖稱多盜難治。然盜之初。必起於細微。及其千百爲羣。雖嘯聚山海。必有顧妻子。歸鄉落之時。治之於其初起之微。及其歸鄉之時。則一二里甲力耳。二十年來。里甲解賊。鮮有不取後禍。傾家隕命者。上之

人無以用其明斷故也。倘得如王璉谷泐置香案于

几。復與賊常。即後之以。小民一日。

堂。凡盜賊竊發。責在里甲。里甲解賊到官。焚香當天

處死。總甲捉賊。亦召里排焚香。當天僉結衆稱曰賊

卽時處死。良民知獲賊無瀆死之虞。乃奮勇力奸民

知作賊無可生之路。乃格非心不然。劫掠財物。姦淫

姣奸。民固有捨死爲之者。况稍有生路。又何憚乎。

一盜賊嘯聚江海。責在海道兵巡。若兵巡號令明。賞

罰信。士選兵練。無有濫食。則豈有數千民壯不能勝

百十寇竊者。古云王之不王不爲也。非不能也。倘兵

巡民壯。有一日之工食。卽效一日之勤勞。江頭海面。時時巡緝。禽蒐草薶不盡不止。賊知官兵勢張。不敢大聚。必散匿小港。必潛歸鄉族。則又一二里甲力耳。昔順德方尹。只用一羅總甲。領衆不過三百人。二月之內。一境帖然。豈非明效。故曰不爲也。非不能也。

一語云嶺南多毒。而嶺南卽有解毒之方。塞北多寒。而塞北卽有禦寒之具。欲弭本處盜賊。只在本處用人。如求近日可將三五百人者。總甲中多有良材。在識拔任用何如耳。今兵巡海道。曷嘗一日不任用總

甲其所任用者奔走承順則有餘，口舌便利則有餘，  
機械變詐則有餘，耳目盜賊則有餘，求其分財均予  
士信，見敵勇，不妄獵平民者，則未多見。此等良材，非  
可以奴隸視。叱召至也，當禮以下之，信以結之，千金  
付之，使自募爪牙，庶幾感激知遇，委身效力。不然有  
掉臂江湖之畔耳。一近世府縣正官，無盜賊失事  
之良券  
百里專城之寄，威可得伸，惠可得加，里甲可得而役，  
糧餉可得而措，乃境有盜賊，若罔聞知，以爲上之人

不以是責我上之人亦曰此非簿書者可辦。皆計之失者也。王陽明提督南贛時。平日選士。臨時出師。必以守令爲將領。此事大有深意。今縱不責以領兵當鋒之任。至如境有竊發。決宜俾兵巡得叅究該縣掌印官員。然平時不信任之。臨事乃叅究之。是又所謂顛倒。今兵巡皆自用總甲。自募民壯。民壯赴縣領工食時。或瞋目與縣官相向。每縣編民壯數百名。守城池者乃不上十數名。又安能責縣官以地方盜賊之事也。一別府錢糧完否不可知。若廣州府所屬錢

糧則多易徵收。今軍需所在告急。或者必委咎府縣。府縣或者必委咎里甲。此見其病而未察其脉也。凡催徵錢糧。縣官稍加嚴切。無不完者。何則。錢糧在上者。必富家子弟。惜皮膚而畏笞責。稍嚴則納矣。錢糧在下者。必細戶。每歲常先期納。與里長矣。凡錢糧拖欠。必兵房吏書受財。沉寢之弊。吏書通同里催。或經收人役。比徵之時。以多作少。以未完作已完。或侵匿官銀數多。將一二細戶告追影延歲月。縣官早起夜睡。爲之



查比，不過爲開騙局，爲今之計，莫若查各縣欠糧多者，徑提吏書枷號比追，則法行矣。都司該科出放軍糧，弊亦淵深，堂官不敢查問，放糧冊與軍伍冊多不相蒙云。

上吳自湖翁大司馬

軍需

伏自元老勦平倭寇時，曾得一瞻風度，其時每欲有所陳說，而侍側高論，領畧神謀，或稍測至其邊岸，則又皆元老已施行而有成效者，是以括囊至今，然竊念元老夙興夜寐，遠慮深思，以勤我子民，乃錢糧靡

措協濟無繇。上未全奉存留之命而下終不可欠者。大軍之需斯誠不可不早爲之所。是用忘陋布懇併近稿一帙。上塵清覽。一請開龍門鐵冶之利。古者富國強兵之術。以鹽鐵爲首務。兩廣鐵貨所都。七省需焉。每歲浙直湖湘客人腰纏過梅嶺者數十萬。皆置鐵貨而北。近年惠潮鐵廢。告開龍門鐵山。迄未准行。客商艱于得鐵。多懷空銀回家。竊以爲當此大窘之時。宜多方招商起冶。凡有鐵山場。聽令煎鑄。上裨軍餉。下業貧民。一施行間。實陰錫貧民十萬工作。

之給也。或以爲窰冶所起，聚集奸人，爲他時地方禍  
此橫議也。天下鐵山何限，若皆慮患封錮，民間當無  
鐵以爲釜錡。倘御得其道，以大商領衆，因其便宜，申  
其約束，繕其營壘，設其堡伍，官府結之以恩，寬之以  
利，予之以法，定之以和。山寇出沒，約令自守，財賄自  
拔，黨與得敵者，與軍官同陞。保衆者，與文職同錄。商  
人因利獲福，有效力爭先者，是不但無禍，且種谿崗  
無窮之祉也。今告者發勘，展轉留難，遠人沮喪，深爲  
可惜。古稱却衆庶以益敵，藉寇兵而齎糧，得毋類是

一請開各處銀鑛之利，聞昔之大商，知盈縮之計者，每擇出產銅鐵金銀之山以居，卒收百萬之貲，未聞執紀綱之柄，總百粵之財，攬山川寶藏之都，而束手嘆窘乏者也。銀鑛出廣東西甚多，近年厲私開之禁，犯者罪至死，亦以盜賊所趨，爲地方害故也。今禁之數年，而盜賊彌熾，豈鑛之爲祟，竊以爲宜弛此禁，凡有鑛所在，聽民納餉開煎，以裨國課，或擇利大而害博者，就撥軍馬一枝，駐劄其地，揀清廉才幹軍文職官統之，官自開煎，倘得足給工費，亦養此一枝無糧。

軍卒况或有羨餘以充別餉哉。昔朝廷責雲南取  
鑛銀、都堂下各府、各府少得利、獨龐知府親身監煎、  
數月得銀五六萬兩、此一明徵也。傳稱有人此有土、  
有土此有財、所謂財者豈專在田畝間、虞書水火金  
木土穀謂之六府、六府者財貨所都、土穀其一耳。  
一請收省城稅權之利、書稱底慎財賦、言慎揀掌財  
之官、劉晏以淮鹽足國用、所委任皆文士、有風裁廉  
幹者、得底慎之緒餘、乃收效若是。今省城魚鹽竹木  
牲酒、凡百瑣碎之物、經稅課者、皆司之以雜流出身

之輩。卑污苟賤之官。而又把握於積年巡攔之徒。賣  
十抽一。使民脂民膏。多入蛇鼠之窠。深爲可惜。乞委  
科甲勤廉官員專管痛查。決有裨補。一請慎抽分  
官員以清宿蠹。梧州木植。南雄椒木。各處盤鹽皮張  
等廠。皆貨賄之所聚。軍需之所出。不可不慎揀其人  
昔年多容幹濟差管。近日頗加選委。庶幾得人。然利  
之所在。其弊淵深。廠中經紀人役。皆積年奸猾。老於  
其局之徒。雖勤廉精悍官長。未易馭也。昔房玄齡爲  
多領度支以國計所任幸相亦不爲知也  
相度支員缺。未得其人。乃自領之。此事真可深念。竊

唐特宰相

以爲前項抽分職事。非甲科強明者莫可委。非掌印  
正官莫可委。不肯躬親細事者莫可委也。一請行  
無力徒工之贖。犯罪問徒。審無力者。押發擺站。謂其  
罪大於不應。是以苦之。如此乃押發到驛。專爲官吏  
開一騙局。無銀拜見者。百般欺凌。骨立鬼形而未已。  
有銀拜見者。一味容縱。月供歲獻以爲常。無益官工。  
有資吏弊。莫此爲甚。查得近行有准折徒工之例。審  
果無力倍折。夫不應之贖。民易完輸。官增經費。每驛  
徒犯多者四五十名。闔省何啻數千。折贖似不少也。

或者嫌此例弛法長奸是以廢格不行然與其賣法作奸於彼孰若姑弛於此之爲得也右瑕所陳數事鄙末不足觀聽且或多係見行望恕其煩瀆幸甚瑕昔承乏慈谿通縣糧三萬七千餘石轉而供軍者三萬石其餘百司俸給學校餼廩京師額解不過七千餘石此乃天下通例瑕嘆曰國之養兵可謂厚矣而又力役之征有巡司弓兵數百名歲以二千兩中葉加民壯之征歲以三千兩民之膏髓盡矣乃無事坐食百姓之膏脂有事坐視百姓之塗炭究其所以豈



非紀綱不立。信義不孚。上下苟安姑息從事之致耶。曾具申浙直軍門論列一二。譚二華公見之。以爲頗切時務。昨上青田翁罪言。稍及此意。未竟心悰。今幸覩明臺振敕紀綱。秉崇信義。文武職役。遵承約束。之不暇。老姦巨猾。強梁不可使者。奉令戰慄無措。斯誠制勝之本源。定治之樞紐。倘及此遠邇畏威之時。委托文武兼資大將。將各處衛所軍士。加意簡稽。清其冊籍。核其冒濫。汰其老弱。足其衣糧。較其軍職。教技藝。以精練之。多調遣以勤勞之。令赴敵以擾習之。拔

其鷲烈以獎率之。一半歲之間。鈍可便利。弱可使強耳。天下豈有有能之將。而顧不能治無能之兵哉。巡海二道民壯。各巡司弓兵。尤當選隸。毋令市井官門游惰。包占食民。近日威令所孚。海防嚴整。鄉落稍寧。然未是十分太平。望更加意焉。此三軍者可使。則兵食皆在其中矣。

上惺菴龐都堂

提督鹽屯

竊謂當寧之待老翁。可謂不愛官爵。不惜事權者矣。夫付之以莫大之權者。將期之以莫大之效。委之以

莫大之事者將望之以莫大之功予之以莫大之爵

者將遺之以莫大之艱畀之以莫大之官者將圖之

以莫大之報此瑕前所謂海宇仰經畫之成 廟社

委治安之寄者也然其間法無畫一事無專成使人

有難措手者倘 朝廷以惟一惟成爲主半歲後共言埃

我翁詢訪已週機宜已悉紀綱已布施設已閑應天

太 大若爾則府劉士安之任也

巡撫有缺卽以兼之併總理糧儲又一半歲鳳陽巡

撫有缺卽以兼之併總督糧運凡地方小大之官俾

得自保留自薦陟同心僂力歸於久任如此則在上

非九牧之羊，在下無駟班之馬，一鞭策正，野勒惟翁。所驅何適而不可，然此自當宁授任者言也。然以愚計之，大臣之事與小臣殊，而控馭廣遠，與獨制一隅者異。以擇所最急者起事，以審所最切者程功，以推誠爲良，以去讒爲大，以知人爲務，以進賢爲先，誠令得忠實剛直有猷有爲者十數輩，布列守令，與我同心，以憂國家，何事而不濟。所謂最急最切者，愚以爲雁都今當訪邊方地廣民稀之郡，可以興利者，特保一人雁都往，知其府事，特保數人，知其縣事，專以治農，搜粟爲

功罷去。馮家宰亦以是去。任二益常憂其任之過專不。

功最。或六年或九年。必要大成。務令上下事使之間。

五憂其權之未至也。

毋得苟且以塞責。其起手之初。不可惜費。必預借支。

鹽銀餉邊者。一二十萬兩。與爲工本。限二。年。後。以。粟。

償銀。每粟一石。准銀五錢。是借銀者無大費。而借銀。

以興農者有大利也。何者。每耕田百畝。工人牛具種。

粟。計費銀二十兩。歲所收入。可得一倍。以其半抵還。

借出之數。餘留作下年工本。三五年後。寬其征入。定。

其賦額。畫其間里。正其疆界。修其溝瀆。課其桑棗。聯。

其保伍。教其射藝。導其擊刺。俾之自保室家。自睦隣。

里自守本業自捍寇盜官府又爲之衛以兵卒守以  
塾臺連以鄉堡固以城塹官民一心兵農協友平居  
可以給俯仰有事可以犯患難長治久安之圖也倘  
以爲務廣難周且用銀二萬兩擇便宜地先開千頃  
以漸試之亦其可也禹之興也盡溝洫之力周之興  
也知小民之依三代盛王咸遵斯軌我太祖高皇  
帝初定江南限于人多地少甫得淮之南北卽憮憮  
分撥細民往濠梁廬州等處種田蕩平中原屢下嚴  
令令山東河南北平每戶一年栽桑棗二百株次年

四百株。三年六百株。又令鑄農器。分給北土。被兵之民。仁政如此。三代之遺也。二百年來。生長稠聚。今腹果之地。不耕者鮮。其有荒棄。逃亡者。徭役貪暴。爲之毆耳。邊方郡縣。則多困於夷虜。入搶。是以百年丘墟。千里藜藿。有志之士。每扼腕焉。國家供養邊兵。歲費以數百萬。而每有寇入。輒莫能禦。大抵以數百萬民膏民血。吮噬於積偷苟竊之渠奸。詰之則曰銀無濟事。兵無宿飽。此其爲可欺之方。是以勤當寧之慮。而重我台慈之寄也。先君文敏公曾聞之。太宰周用

云山東北直等處得良有司與地利。一年創始，三年見效。十年大成。又聞之大學士楊一清云：陝西沃壤千里，得人力開墾，三邊兵食不勞而足。先君以此二人言上之。先帝且曰：聖王裁成天地，左右斯民之實功也。夏后周王之實効也。近日洪翁巡撫山東，專責有司勸課農桑，下行屬邑，上形奏章，申勅再三。幾有成績，斯亦其一明驗也。雖然此兵食之大端，邊境之一事。然亦老生之常談。經邦之末議也。朱文公云：其事不在邊鄙而在朝廷，其具不在兵食而在紀綱。



苟紀綱不立。誠心不開。公道不布。是非不自。毀譽不  
真。智者謀。愚者潰。其成忠者奮。奸者曳其尾。雖使充  
國之在金城。諸葛之在涓渙。而百十龔黃。卓魯以爲  
之趨走。後先無益于事。蓋愚讀書。至夫子言去食去  
兵。無信不立。未嘗不三嘆也。從古及今。豈有無兵無  
食。無人才之世。惟其信義不彰。如前之云。是以不得  
而爲之用。故日以推誠爲良。以去讒爲大。以知人爲  
務。以進賢爲先也。

寄譚二華都堂

近日邊報孔棘，知我翁勞神，不敢閒言瑣費，且兵難  
遙度，充國之說也。我翁夙夜戰兢，焦思以圖之，尚不  
容易，乃後進喋喋然，逞其未試之語，豈非畫餅。雖然  
狂夫之言，聖人猶擇，集思廣益，我翁所素畜積也。謹  
以謬說就正，聞虜欲分數道大舉入犯，而台丈分兵  
以守，此無所不備，無所不寡。是為彼強我弱。又聞凡  
臣不得已避罪之計，實不足以拒敵也。  
一處有急，則各處不分信地，俱赴應援。夫七百里連  
營，古謂不可待敵。况二千里而遠，是為彼逸我勞。斯  
二者，賊所長而我所短。善用兵者，避其所短，就其所

長爲今之計。不知致人之術。可行否。倘得先致一處。併吾力以剿之一處。挫銳則三處瓦解。所謂攻瑕則堅者瑕。或伺各虜未齊。乘其遠到方倦。先劫其營。所謂先人有奪人之志。兵法大澗深谷。驛林茂木。騎之竭地也。左右有水。前後有山。騎之艱地也。所從入者隘。所從出者遠。寡可擊衆。騎之沒地也。往而無以返。入而無以出。騎之死地也。善用兵者避之。昌薊山河寸金。天設之險。胡虜不知兵。但恃衆耳。冒犯其所大忌。不知於各處狹邪委曲之處。利於步而不利於騎。

者可預設之奇否。樹木叢雜。山澗阻深。此火攻之利。不知可預爲之所否。中間騎得成列之路。大約有幾。此當擇其隘處。爲車營車陣以待之。旣設車營車陣。則是正堂堂。與之迎敵。恐我設於此。賊趨於彼。鳥飛豕突。倏忽百里。是我終有不備之處。非所以制萬全之勝也。或於大路。度虜所必經繇者。多開陷馬坑。以俟之。覆之以艸。伏兵其傍。胡馬到以弱卒誘陷之。萬炮齊發。亦其一端。大抵貴多方以誤之。或擇大郵落數十處。賊所垂涎者。伏兵其中。誘至覆之。又其可

也。車可制騎，炮可制箭。此固我之長技。然車與騎皆利平原，倘擇平原以用車，偃旗息鼓，俟其入殲之，又其可也。彼衆我寡，投彼十圍五攻之利，亦未爲得。愚以爲雖車亦當擇險阻。胡馬難騁之地以禦之，或山溪或鄉落，或堤渠錯雜，乃保無虞。夫兵事至危，深而沉之者機也，廣而集之者謀也，斷以必行者勇也，乘利而動，毋後時者決也，知彼知己，百戰不殆者明也。讀翁奏疏，知忠肝烈膽，與戚總兵俱有決戰之意。將士用命，而人心奮，或者狂言可採，是以貢其淺陋。終